

立典契字人南投廳外湖庄張玉振，有承先祖父明買過杜猛水田壹段，內抽出壹小段，址在沙連堡社寮過坑庄頂，土名荔枝腳首份。東至杜暖田，西至高家田，南至大圳，北至陳家田，四至明白爲界，官丈下下則田六分九厘六毫八系，年納地租金八拾九錢貳厘，併帶圳水灌溉充足。今因乏銀費用，愿將此田出典，先盡問房親人等，俱不欲承典，外托中引就與沙連堡社寮庄張源順出首承典，三面言議時值典價銀壹百八拾大員；平重壹百貳拾六兩正。其銀即日全中見交收足訖，其田隨即踏明界址，交付與典主前去掌管，起耕招佃，收租納稅，權爲己業。明約自癸卯年起，至壬子年終止，共拾年爲限，迨其限滿，田主備足契面銀取贖原契，典主不得刁難，如銀未便，仍歸典主掌管，不得異言，生端滋事。保此田係振承先祖父明買之業，與房親人等無干，亦無重張典掛他人財物，以及上手來歷交加不明等情，如有此情，振一力抵當，不干典主之事。此係二比甘愿，各無抑勒反悔，口恐無憑，立典契字壹紙，併帶丈單壹紙，合共貳紙，付執爲照。

即日全中見交收過典契字內銀壹百八拾大員正完足。再照。

代筆人張登邦

爲中人張永全

知見人母親吳氏

日立典契字人張玉振



明治叁拾六年六月